

նի և բոլորակ եկեղեցու շինութեան վերաբերող արձանագրութիւնն: Հավանաբար այդ թվականին կամ մի քիչ ուշ նա մեռել է խոր ծերութեան հասակում: Եթե նա 1037 թվականին մեծ հոետորի, ուսուցչի համբավ ուներ և իբրև հեղինակավոր վանական կաթողիկոս դարձրին, այդ ժամանակ նա պետք է լիներ մոտ 50 տարեկան, իսկ 1063 թվականին նա կլիներ 80—85 տարեկան: Այս հաշվով, նա ծնված պետք է լիներ 10-րդ դարի 80-ական թվականներին:

* * *

Սանահնի «Քոթուկի» մեջ պահպանվել է մի դեպքի նկարագիր, որ քաղված է Սարկավագի կորած պատմութիւնից: Հայոց 559 թվականի (=1110) օգոստոս ամսի 13-ին, շաբաթ օրվա առավոտյան, երբ բոլորը հավաքված են եղել Սանահնի եկեղեցում, որոնց հետ նաև Կյուրիկի որդի Գավիթ թագավորը, Աստվածածնի վերափոխման նախատեսակին նվիրված եկեղեցական արարողութեան ներկա լինելու, հանկարծ վանքը շրջապատում են սելջուկյան զինվորները, և բոլորը կարծում են, որ փրկութեան ոչ մի հնար չկա: Սակայն, սպասածին հակառակ ամեն ինչ խաղաղութեամբ է վերջանում, միայն թե մի քանի վանականների բռնում են և երկուսին էլ սպանում¹:

1178 թվականին, երբ Սանահնի առաջնորդը Հովհաննես վարդապետն էր, Գրիգոր Տուտեորդին մի այգի է տնկել և խաչքար կանգնեցրել իր և վանքի առաջնորդ հայր Հովհաննեսի հիշատակին:

Հովհաննեսի առաջնորդութեան օրով է, որ 1181 թվականին կառուցվեց Ամենափրկիչ եկեղեցու ժամատունը կամ ներքին գավիթը սքանչելի ճարտարապետութեամբ, որի շինարարութեան նվիրված ընդարձակ արձանագրութիւնը պահպանվել է նույն ժամատան մուտքի կամարաձևութեան վրա (արձ. 12): Այդ հոյակապ դահլիճը կառուցվել է,

ինչպես տեղեկանում ենք արձանագրութիւնից, Քուրդ ամիրայի և Տուտեորդի Գրիգոր մեծ վարդապետ խաչեցու օժանդակութեամբ: Ամիրա Քուրդը Զաքարյանների կողմից նշանակված գործակատար իշխանն էր:

Հավանաբար, այս միջոցին ամիրապատար Սարգիսը և նրա որդիները՝ Զաքարեն և Իվանեն, Սանահնում արդեն կառուցել էին իրենց տոհմական տապանատան արևելյան հին՝ կրկնահարկ մասը: Այդ բանն ավելի հավանական է դառնում նրանով, որ այդ ժամանակ եկեղեցական կալվածքները Զաքարյաններն ազատել են ամեն տեսակ հարկերից:

Սանահնի նշանավոր առաջնորդներից մեկը եղել է Գրիգոր վարդապետ Տուտեորդին, որ հայտնի է նաև մատենագրական տվյալներից: Նրան հիշատակում է Կիրակոս Գանձակեցին նախ՝ Դիոսկորոսի ոսկորները Անի փոխադրելու կապակցութեամբ, իբրև Սանահնի առաջնորդ և ապա՝ երևելի վարդապետների շարքում: Գանձակեցին Գրիգոր Տուտեորդու որևէ գրական գործը չի նշում, բայց անվանում է այդ երևելի:

Վենետիկի Մխիթարյանների մատենադարանում պահվող մի ձեռագրի մեջ Գրիգոր Տուտեորդին ունի իր ձեռքով գրած մի հիշատակագրութիւն, որը հետևյալ բովանդակութիւնն ունի.

«Ես Գրիգոր նուստ ի մակա քանակութեանց ուսումնական արտադրութեանց, յաղատ տանէ, ստացա զմարգարիտս հաւատոյ, յաւերժ ցնծութիւն անձին, և յիշատակ հոգոյ: Ի ՈԳ Թուոյ, կազմեցի ձեռամբ իմով, յաշխարհս Այրարատեան, ի վանս Յովհաննու, ի դուրս սրբոյ Կարապետիս: Աղաչեմ, որք ակտիք, յիշել աղաթիւք և զենմամբ մարմնոյն Քի:

Գրիգոր վարդապետ որդի Տուտայ²:

Այս հիշատակարանից երևում է, որ ձեռագրի ստացողը ինքն է եղել և իր ձեռքով էլ կազմել է այդ գիրքը: Սանահնի վանքի մի

¹ Սանահնի «Քոթուկ», ձեռագիր Մատենադարանի, № 3031, էջ 53—55: Այդ հատվածը կոչվում է «Վասն սքանչելիաց սուրբ Աստուածածնին»: Նույն հատվածը կա նաև Մատենադարանի № 8150 ձեռագրի մեջ:

² Այս հիշատակարանի նմանահունութիւնը տե՛ս Գ. Ղ. վ. Ալիշան, «Այրարատ, բնաշխարհիկ չափստանեայց», Վենետիկ, 1890, էջ 167 և նույնի «Հայագաղտում», էջ 310: Հմմտ. Գարեգին Ա. կաթողիկոս, Յիշատակարանը ձեռագրաց, Ա., Անթիլիաս, 1951, էջ 365 և 368: Բնագրում Գրիգոր վարդապետ որդի Տուտայ գրված է մեծ մասամբ ծածկագիր: